

沅  
湘  
耆  
舊  
集

沅湘耆舊集卷第二十四

新化鄧顯鶴湘臬編輯

鄞縣沈道寬栗仲校訂

左兵備天眷一首

天眷字心南湘陰人萬歷乙酉戊子兩中副榜歷  
官北直隸行唐縣知縣遷深州知州累擢遼東兵  
備道經略熊襄愍公延弼甚倚重焉心南幼時夢  
至一處上書遼東第一關五字不知何祥及襄愍  
被讒就徵心南巡遼適符夢中所見乃呼家屬曰  
時不可爲豈誠有數耶遂引疾歸里詩集不見僅  
傳近體一首

睡起書感

投老幽懷孰與傳就涼閒向北窗眠夢鄉一幻八千里塵  
界三生四十年過眼浮雲變蒼狗傷心碧血飲黃泉梁炊  
熟後身猶在回首前因一泫然

維郎中其倫一首

其倫字龜伯一字洪山別號凡谷茶陵人萬歷乙  
卯舉人授太康教諭徵修熹宗實錄遷瓊州推官  
黎人騷動延二十年彝伯單騎至殲其渠宣諭威  
信入其地爲水會所建置學官籍其田賦得減免  
七百頃黎民總之理嶺東北獄釋冤繫八十三人  
累擢戶部郎中乞養歸所著有海上吟北歸錄其

倫通志州志選舉表均作其綸今以藝伯之字測之宜作其倫詩僅見一首

瓊島

俗名會仙山

石磴層層踏彩虹東南半壁獨稱雄盈盈一水銀河落杳杳諸天金界通搗藥尙餘丹竈在栽花獨長紫芝叢登高忽憶十年事納履空懷圯上翁

陳節愍君寵

二首

君寵字簡之新化人萬歷戊午舉湖廣鄉試第一官四川羅川令擢潼川知州以清節著張獻忠僞鎮馬科躡潼川逼降不從幽五顯祠內從容賦絕命詩自經死國朝通諡節愍

被拘口占示守者二首

世局竟如此吾身安所逃未能誅鼠輩死亦等鴻毛  
俯仰慚天地君親恩兩違吏民休我惜已視死如歸

徐舉人應選一首

應選字青仲益陽人萬歷戊午舉人性倜儻任俠  
獻賊犯益陽青仲倡義拒之著有檀藥舊業稿

僧嶽浪爲余畫碧照樓山水

幾年欲入深山裏入山未深勤洗耳今意入山何必山偶  
向丹青得其理乾坤一幅大圖畫人域其中忘我爾嶽浪  
何天不可飛點我奇觀摹素紙鼻嶂層巒滿壁閒恭然置  
我富春山樵夫終歲擔不去野店經年門自關若有人兮

隔溪居主人醉裏欲招呼樽空危閣出松櫟傍岸小艇搖  
荻蒲何似武陵種桃客漁郎去後知有無眼前世界盡子  
虛畫裏江山渾不如君不見桑田滄海幾更易蒼茫一粟  
身如寄豪端咫尺萬里來歲歲年年湧寒翠無端邱壑懸  
斯樓斗室直欲藏九州眼前有景且孤負焉論萬世與千  
秋

車解元萬合 三首

萬合字造父號藝湘邵陽人天啟辛酉湖廣鄉試  
第一造父爲子仁參議大任之孫父以達早卒子  
仁愛之五歲攜赴浙江任所九歲歸應童子試卽  
爲學使董辛宰所賞舉鄉試時年尙未冠子仁囊

螢閣集中有喜孫萬合得解詩是也鄉試後未久  
亦卒子鼎黃理中孫无咎補旃世有學行補旃與  
王能愚齊名均以理學顯邵人所稱車王兩先生  
者也

夜宿無念閣呈嵩公

一片清涼地況逢雨乍收樹疏新月滿溪近晚花流佛不  
隨時好僧唯事遠遊前期未可卜半榻爲君畱

東山寺

爲赴春和約相過祇樹林蓮雲舒慧眼花雨洗塵心證悟  
甯須法飯依且問音老僧深道氣煮茗佐長吟

按此詩或以爲造父之父以達作以達能  
詩早卒囊螢閣集中有哭達兒十首是也

張舉人燈一首

燈字

湘潭人天啟辛酉舉人克揚工部嘉靖

之子與兄剡齊名剡亦萬歷己酉舉人

小除前一夕口占

積雪凝冰逼歲除惟聞北屋歎蕭疏偷閒深坐渾無寐鑪火篝鐙味道書

黃職方裳吉一首

裳吉原名焜字叔闇長沙人天啟辛酉舉人詔求直言上書稱旨特賜進士賜名裳吉授兵部職方司員外郎尋出爲密雲兵備有治聲

登嶽麓



藟蔚藹芳叢攀磴歷深曲怪石似飛來嵯峨削寒玉微風  
動琅玕衣褶染新綠深谿俯百仞乘危駭旁矚箕踞長松  
下清陰散煩溽埽石餐飛霞長歌出幽谷

婁涇州鏤二首

鏤字元夫湘陰人天啟甲子舉人崇禎四年授涇  
州知州明年甯塞逸賊屯蒲河欲寇涇州公同總  
兵董志義等守州要害賊不敢出七年總督陳奇  
瑜受賊僞降馳檄郡邑傳送度棧道賊殺監護官  
轉攻各州縣閏八月賊埽地王犯州公募義勇督  
守州人感公忠義無一叛者賊悉衆來攻城陷被  
執罵賊不屈死賊衆嘆息羅拜而去事聞贈太僕

寺少卿蔭一子

三閔祠

沅湘東去勢滔滔竟日靈旗捲怒濤魚腹長埋千古憾龍  
舟空弔九章騷賈生作賦誰能遣宋玉招魂母乃勞木落  
洞庭空悵望荒祠寂寞長蓬蒿

弔易忠節公

白芷含芳碧杜芳瓣香來謁大夫墳許多牙纛工翻覆扶  
植綱常賴使君

胡推官鵬舉 一首

鵬舉字而上平江人天啟甲子舉人授贛州府推  
官

登岳陽樓

名樓甲天下今古獨爭雄  
地缺湖光補天高眼界空  
君山當砥柱江水本朝宗  
登眺頻呼酒沈吟憂樂中

歐副使繼修一首

繼修字二如零陵人天啟丁卯舉人官融縣知縣  
擢監軍道副使歸後行李蕭然卜築隱居不問時  
事以天年終副使少有志節與陳忠潔公友善獻  
賊陷永嘗偕忠潔弟純恕倡義乞師恢復有詩集  
未見僅抒哭忠潔一首激昂慷慨生氣勃勃讀之  
如聞其聲

哭陳澹元先生

吁嗟澹元先生死非復尋常死碌碌我今灑淚哭先生亦  
豈尋常兒女哭先帝以身殉社稷廿一史中先帝獨先生  
以身殉先帝先生之外三楚更誰屬庚辰先帝策士特詔  
書生置臺諫三百年中恩遇篤帝曰咨汝往欽哉先生頓  
首稽首曰臣純德昧死敢不肅行行青驄晉之鄙威名嶽  
嶽華山蟲文章岱斗帝畿仰一如孝友典則雍雍而穆穆  
無端響應揭竿徒櫓槍指處勢破竹黑雲壓城鼓聲死先  
帝仗劍義不辱曰烈皇帝信烈哉遺詔哀哀一字一血不  
忍讀誰柔國成社稷傾誰謀不臧國步蹙先生聞變髮指  
目裂心如焚蟣蝨臣肝腦塗地百身莫與贖沐浴衣冠再  
拜魂隨君誓爲厲鬼殺賊齒賊肉獨憶天涯兩親髮皤皤

細書數行付兩僕曰兒純德宜萬死一身許國負鞠育有  
弟有兒暨親串縷縷絮言苦語滿一牘從容慷慨兩兼之  
直與文山疊山同心就死無翻覆吾鄉自來稱樂土區區  
山水饒清福無何逆賊擾瀟湘山水無情失故綠兒號女  
泣遍廬落痛哭驚天漫山谷日月無光天地黯書生血淚  
三千斛我與先生之弟重繭走荒山閉關九死秦庭哭一  
朝克復舊山城先生失喜鯨鯢戮忽聞國破以身殉汨羅  
忠魂慘同族吁嗟先生之死不尋常我哭先生亦非俗栗  
栗烈烈朔風號雙眸炯炯電光燭貞魂毅魄歸不歸應隨  
二祖列宗神靈共來復

顯鶴案潛元先生名純德崇禎己卯進士莊烈帝  
召諸進士各以時事先生奏對稱旨立擢御史巡

按山西七月部內嚴霜民凍餒先生上書請卹因  
陳拙練之弊言兵抽則人失故居無父母妻子之  
依田園邱隴之戀思歸則逃臨敵則潰抽餘者  
以餉薄而安於無用抽去者又以遠調而不樂  
用伍虛而餉仍在不歸主帥則歸偏裨樂其逃  
利其餉凡藉以營求遷秩皆是物也精神不以束  
伍而以其餉厚餉則愈缺安望其充此官伍虛則  
人安望其練餉糜則愈督畿輔學政按試易州聞  
大弊也帝不龍用還朝三百里馬上占據請募將  
警戎裝入都見帝走宮諭馬世奇寓相持痛哭約以  
勤王入都三月十九日城陷二十日公始得莊烈  
身殉即具衣冠哭拜作書報二親家僅泣阻不顧  
凶問筆作蠅頭楷字書畢投縋神色安定如平日是  
執筆作蠅頭楷字書畢投縋神色安定如平日是  
時殉節凡二十二入湖南惟公一人初公未遇時  
與同學嘗談及死難事有抵掌以誓者公曰不在  
此顧臨事何如耳又嘗勗同人曰吾輩當厚自醢  
釀他日登仕籍或可報朝廷一二事然則公之志  
已素定矣今按明史列傳范景文倪元璐李邦華  
王家彥孟兆祥子章明施邦曜凌義渠馬世奇吳  
麟徵周鳳祥劉理順汪偉吳甘來王章陳良謨中  
佳脍成德許直金鉉及先生凡二十有一人順治

九年所司以名上而先生獨不與當日祀典偶遺  
抑或史傳漏載均未可知而悠悠之口遂生異議  
明史本傳特與微詞而全謝山輩恭然倡言豈所  
稱直道之公耶不知公死事明白不但家傳及邑  
志昭著吾鄉婦人女子皆能言其詳且公手書年  
月具在尙存其後人手猶有鬼神豈可稍有消弭  
以犯冥誅公贈太僕寺卿諡忠潔或曰忠節國  
朝通諡節愍今忠潔之諡最著亦或稱陳太僕云

陳節士來學

一首

來學字開之攸人天啟丁卯舉人強學勵行以大  
人長者自命崇禎十年臨藍賊寇縣開之告二守  
弁當潛兵伏隘劫營誘之弗聽旣而曰離城三十  
里結營彼客我主必捷又弗聽賊至旣陳守弁皇  
遽失伍開之以腰帛裹頭大呼督戰斬賊首三人  
賊大至中五槍一刃死其兄吏目球弟諸生瑛皆

死之錢受之爲作傳

舟夜

臥聽灘聲雜雨聲中宵羈客不勝情  
若教移向漁舟聽別是蓬窗一段清

傅忠節作霖二首

作霖字潤生武陵人崇禎壬午舉人仕唐王爲職  
方主事監蘇觀生軍已依何中湘騰蛟長沙改監  
軍御史永明王在全州超拜兵部左侍郎掌部事  
尋進尙書從至武岡時劉承允擅政大兵逼武  
岡承允議迎降公勃然責之承允遣使納款大  
兵入城公冠帶坐堂上承允力勸之降不從遂被



殺妾鄭有殊色被執驅之過橋躍入水中死事見

明史王聞贈東閣大學士諡忠肅子允漸廕秘書

郎國初改諡忠毅乾隆中欽定勝朝殉節

錄通諡忠節傳氏家譜載公殉難後恭順王孔有

德敬其忠以禮葬於武岡東塔寺傍嘉慶丁丑余

膺聘修武岡志履得其地言之州守咸寧許先生

爲公修墓先生自爲文以記而余作詩以紀之附錄

咸寧許刺史昭宗墓記略云公死事載明史是公

之死在武岡而不言其楚武岡舊志載公臨終絕

命詩甚哀婉當事爲之歟葬封墓與史略同而亦

不言其墓地常德府志載恭順王孔有德欽公生

降不屈命校卒短刀刺右腋死以禮葬武岡州東

塔寺傍蓋得之傅氏家譜者傅氏武凌舊族不知

武岡有東塔寺所載當不謬余輯武岡志既採公

事入載記而訪其墓地則百餘年來湮沒已久州

人無能知之者余曰州幸有東塔寺在耳迺躬履其地在州之城東塔已漸欹環塔而蟻蟻者皆僧龕右爲鄧瑩去塔數十武衍而曠者爲寺寺爲元時建寺之左傍築園有大塚已陷無墓石文字可辨詢之土人鄧敦教曰小人居此百餘年矣此寺內地國朝無葬者疑前明廢塚耳詢之寺僧亦云然余矍然曰此真公墓矣蓋常德志明言葬東塔寺旁非東塔旁而土人言國朝無葬者與常德志合其塔旁僧龕及鄧瑩皆有主者則益信寺旁爲公墓無疑伏惟我朝褒忠勵節超越千古於故明三王殉難諸臣均沐朝褒忠賜諡建祠恩周泉壤公之大節亦已昭炳日星而獨此墓土一抔倉皇藁葬於戎馬之餘有司不知護子孫不能修獨賴數行志乘猶可搜討使再遲之數十年將不可復識矣不重可哀也哉雖然東塔寺不廢寺旁無別墓則固公在天之靈默矚予衷而忠義之骨爲鬼神所呵護久矣因捐俸爲之修墓立石而記其事於碑陰其始事則新化鄧孝廉顯鶴也

決絕詞

天平人事本難留眉鎖湘江水不流支廈有心嗟一木驂

驚無計到三洲河山戀闕風悲角冠冕懷人雨溢秋盡瘁  
未能時已逝年年鵝血染宗周

戎馬崎嶇閒道來殘花猶伴戰場開麻鞵兩載奔天淚白  
髮孤臣搶地哀莽莽故園何處問滔滔逝水幾時回鍾山  
風雨依如舊夜夜銅駝泣草萊

附錄顯鶴忠節公墓詩武岡東塔寺旁有故明傅  
忠節公作霖墓舊志失載寺僧夷為菜圃嘉慶丁  
丑房師許蓮舫先生牧武岡重修州志顯鶴褒校  
警之役乃從常德府志探出言之先生修其墓先  
生爲文以祭詳記其事於碑陰且以謂事發顯鶴  
宜有詩謹先賦此詩爲大雅表微焉武岡城東東  
塔寺旁有廢塚無人識殘碑剝蝕困樵牧名姓沒  
滅長幽閤天憐忠骨沈埋久碧血模劒兩行字劫  
火燔餘二百年六丁飛掣精魂出大書殉難傳忠  
節血痕點點收葬地吁嗟明社久淪覆天佑  
皇清主神器渡江五馬同羊劫在野羣蛇空蟻沸  
江南殘局已不支何況永明眞兒戲傳聞徒杜告

車隱君鼎黃十首

警時老臣主守無他議倉皇出走制中璫跋扈劫  
遷迫悍帥可憐假息遊釜魂紛紛水火爭同異公  
時羈絏秉戎政調停中立非阿媚亦如史何用列  
鎮思以衆志同天意堂聲死城上已樹迎降猷天  
從一木可奈何自辦一死無餘事當時禮葬雖盛  
平倉卒無萬難求蕭蕭古寺竄騰時黯黯荒邱  
御魑魅無表屹道旁而此一壞永潛瘞更無片石勒  
巖某豈有銘誌書勲位微文考獻紛訾警殘墨依  
稀見他志東陽太史蒞茲土首崇風化褒節義  
編竊簡忘抄討薛印苔痕遍摹記精神正直能感  
通雲輶想像來髣髴揆主創影正域兆伐山鑿石  
銘挺隧煌煌大字書螭斗屹屹豐碑負巔眞黃童  
白髮競傾觀里神社鬼爭迎何嗚嘯列鎮訖明亡  
安國驕蹇尤橫恣勒石記功彼何人好惡毋  
乃蔽先生用心良獨苦表微誅奸別忠僞堂堂忠  
節靈爽憑尊卜龜從神不貳看墓前雙柏影勃  
勃英風作生氣嗟余望古眼忽明豈有筆力  
能垂世揮豪鼓懦魑長歌請附貞珉告來裔

鼎黃字理中號匪莪邵陽人崇禎壬午副榜鼎革後隱居不出著有還雅堂文集理中名家子少負異才博聞強識喪亂以來凡故家舊族遺文逸事搜羅粹輯言之娓娓郡中推爲掌故嘗編邵陵風雅集人爲小傳共十卷惜不傳

王穉潛自吉州搜得先大夫螢囊閣草殘編見示志感一章

先人愛著書涉筆無休暇棗梨懸國門螢火照秋夜東海與京山七子之流亞唱和盡名流元晏增聲價去僅四十年亂離悲物化六丁杳莫追百身罪難赦思之重思之鬼神或可逕何幸文獻邦吉羽留鄴架精神劫火餘事業名

山罇頗疑前哲靈光怪九天下何以報君德奕世中心寫

家徵君叔祖八旬和先曾祖八旬四詩見示

尙記稱觴日我生纔八年岫瞻仁壽里客滿聚星天手澤

山河老高文日月懸曾孫能篤慶願乞硯田邊

白注仁壽里祖舊地

也爲監司潘公手題時  
先子攜黃羅拜其中

六十自壽詩

已甘貧病苦爲生誰復營營理俗情數甲人誰疑絳老添  
丁竊幸比徐卿三秋爽氣山如畫七月幽風詩現成遲我  
十年如健在臥遊亦學趙州行

雙清亭次彭禹峯先生韻

滄桑變後漫稱觴往事休談白面郎峭壁倚闌驚地盡新

詩搔首問天荒韓陵碑老珍孤石秋色香無憾海棠自注時亭

叶海棠此日黔滇皆樂土莫忘雁字滯三湘

附禹峯原作雙清閣上醉飛觴記得驢車入夜郎  
異國誰人憐白首此身何事獨南荒往來爭似衡陽雁  
剪伐空慚召伯棠又作昆明池上客好裁別賦寄瀟湘

癸亥冬同劉子澹山臥病僧舍辭修通志之聘上諸

當事

聽盡鐘煙與霽霜相扶二老臥匡牀何當檄自中書省爲  
采名登國史堂壯日未能窮八索衰年誰復問三長使君  
成命煩收取年少書生徧洛陽

甲子春正辭請鄉飲

聖主當陽雨露偏上座養老爲尊賢自惟處士甘泉石敢

辱嘉賓薦几筵鳩杖固知能化噎龍鍾豈可任擎拳鹿鳴  
三唱非吾分願聽南薰奏舜絃

兒子檀新婚旬月手錄先大夫螢囊閣草成書原本  
自其外家得也

家珍劫火總寒灰喜爾于歸書亦回莫讀漢書煩外舅還  
將博議效東萊

書亡三篋向誰論呵凍濡豪片羽存立德言功思祖父惜  
精神氣在兒孫

流螢收入百篇中金石琅琅念祖翁再拜名山珍護好年  
書功與棗梨同

石室蘭臺念職存遺文傳述賴諸昆先靈如何堪憑藉早



遣全書到國門

自注家太史北上攜檀兒鈔本以往

尹侍郎三聘

三首

三聘字笑山安化人崇禎閒拔貢桂王時由給事

中累官至兵部侍郎已復隨桂王走緬甸鼎革後

為僧不知所終事蹟無可考僅附見明史朱天麟

傳詩亦散佚存三首而已

按明史朱天麟傳言李成棟奉桂王居肇慶尹

三聘與天麟及嚴起恆王化澄晏清吳貞毓張孝起等自廣西扈行至自恃舊臣詆曹舉耿獻忠等

嘗事二姓曹耿皆從李成棟至者也又康熙安化縣志封蔭門載有制詞曰爾尹三聘望重楚才倫

超鄂技又曰披正氣於阜囊青瑣之班嶽立麗丹心於白簡虎門之筆霜嚴晉司禮樂之宗雅稱士

亮博號詩書之將識比杜夔嘉言罔伏以通萬里之情殄行不留式叶百工之采覽山川於異國體

得綱維集輪輻於同堂披其梗概是用覃恩授爾階正奉大人錫之誥命於戲屏書社稷之臣眷言

元月... 卷之十一... 主

汲黯廷次艱難之佐忍後介推據此則三聘固嘗  
建言由禮部鴈臚而遷兵部也其時蓋崎嶇緬甸  
故有山川異國廷次艱難等語野史行在陽秋載  
戊子正月由都幸桂林江西南都督李成棟以肇慶  
內附請幸端州封爲惠國公三月督師瞿式耜入閣  
守桂林由都幸南寧大學士嚴起恆馬吉翔科臣吳  
辨事西粵新書云隨駕止嚴起恆馬吉翔科臣吳  
其雷洪士鵬許兆進尹三聘大司馬蕭琦七人而  
已人月幸端州召大學士瞿式耜疏辭不至大學  
士嚴起恆朱天麟及科臣尹三聘等俱赴行在所  
左都御史劉湘客兵科都給事中金堡等亦赴焉  
十一月初李成棟出師南雄攻贛州已丑春正月由  
檇在端州二十九日南昌陷金聲桓敗走二月十一  
日再陷湘潭督師何騰蛟死之衡州長沙相繼陷  
李成棟敗於信豐弱水死夏四月再陷寶慶庚寅  
春正月由都幸端州二月至梧州下給事中蒙正  
發金堡等子譴獄從御史程源奏也五虎失勢報  
仇者羣起照履衛故事榜掠招賂以數萬計盡以  
充餉拷訊時惟堡大呼二祖列宗餘則哀乞殊甚  
二十八月日榜其罪於朝堂十一月由都幸藤縣初  
六日孔有德破桂林留守大學士瞿式耜總督侍  
郎張同敞被執閏十一月十七日同死之十二月

由榔幸南寧州辛卯春正月幸安隆州壬辰秋七  
月初四日李定國復桂林殺孔有德陳邦傳癸巳  
七月李定國復化州以兵二萬攻廣西不克甲午  
春由榔在安隆州十二月李定國再攻肇慶不克  
還廣西丙申夏四月安西王李定國迎由榔入雲  
南丁酉正月駐滇都進李定國為晉王劉文秀為  
蜀王秋九月孫可望移師犯鎮沅李定國禦之師  
次曲靖府十九日戰於交水河可望奔潰降於  
大清戊戌辛永昌已亥正月月初三日十五日由榔  
離滇都傳幸永昌已亥正月月初三日十五日由榔  
滇閏八月十八日由榔幸騰越州二十八日入緬  
關二月十八日至井梗五月初四日緬王遣官以  
龍舟來迎初八日緬王羈由榔於孟坑城外地名  
者梗庚子春正月由榔在孟坑城外三月朔一日  
額國公楊武降於吳三桂三桂令招降貴州布政  
使朱企吳武靖侯王國璽兵部侍郎尹三聘編修  
劉誥尚寶卿楊慎幹知府范春龍等六人遂繳印  
降赴北辛丑正月由榔在孟坑城外咸陽侯祁三  
昇降於吳三桂大學士方端士孟津伯魏勇總兵  
蜀之林王有功邵文魁等俱降御前總兵馬寶亦  
降四月緬酋莽日弒其兄十九日緬酋為請盟  
殺我從官文武四十餘人冬十一月吳三桂兵入

緬甸境十二月朔駐舊晚坡緬人以山椰獻王寅夏四月遇害又康熙安化縣志載尹三聘以順治十七年八月授誠此云庚子三月徵異大約三聘繳印降後並未北上或中道歸里耳若順治十七年八月則四月內緬甸偽盟從官盡死恐無由脫出耳

### 雨夜晤金給事作

荒江濁浪捲喧闐此夕逢君夜雨連往日朱雲曾折檻別

來蘇晉已逃禪

自注金給事時已爲僧

生涯草草愁無地前事茫茫

欲問天知爾浮蹤煙水闊桃花何處訪漁船

招魂杳杳託巫陽披髮人疑下大荒歸雁遂沈湘浦月哀猿遙警桂林霜頻將大義酬知己更有遺文弔國殤風雨聲聲今夜夢海山高望正滄茫

按此詩所指金給事謂金堡道隱也明史是時朝臣分吳楚兩黨主吳者天麟貞毓化澄及萬翔郭

之奇等皆內結馬吉翔外結陳邦慶主楚者袁彭  
年丁時魁蒙正發劉湘客金堡皆外結瞿式耜內  
結李元允而堡甫居言路有鋒氣乃疏陳天壽大  
慶國公陳邦傳十可斬吉翔及中官龐天壽大學  
士起恆化澄與焉堵允錫自湖南入朝執恭禮封  
師棄地孫可望王堡請斬恭以正國法又連劾兵  
部侍郎萬翔程源禮部侍郎郭以正國法又連劾  
諸人欲排去之畏李元允不敢發順治七年春王  
赴梧州元允留肇慶陳邦慶適遣兵入衛貞毓之  
奇翔源乃同給事中御史劾堡等把持朝政罔上  
行私下堡等獄瞿式耜七疏馳救不聽堡又以語  
觸時忌與時魁並論成湘客正發贖配追贓其時  
吳楚分黨而三聘未言何屬今觀此詩前首言朱  
雲折檻正指金堡連劾諸臣事次首則指瞿留守  
殉難桂林事明紀輯略載留守大學士瞿式耜與  
都督張同儼殉難給事中金堡時已為僧上書定  
南王孔有德請葬其骸骨正詩所言大義酬知己  
也觀三聘早年交際君子亦知樹立從王十餘年  
崎嶇異域險阻艱難備嘗之矣願乃感於揚武之  
誘不堅厥志晚更託身縑流  
現道隱為僧則已遲矣惜哉

寄里中故人

黃冠欲歸故里白社誰尋舊盟愧矣仕君致死悲哉賴佛  
逃生

按此詩或云非笑山作殆爲僧後里人以此譏之  
今按詩意乃笑山晚節自尤之語與梅邨病中有  
感詞意同爲當年沈吟不決草閒偷活脫屣妻孥  
非易事竟一錢不值何須說自怨自艾同一悲惋  
也

沈湘書舊集卷第二十四終

沅湘耆舊集卷第二十五

新化鄧顯鶴湘臯編輯

鄞縣沈道寬栗仲校訂

黃興平學謙八十一首

學謙字又謙一字天益善化人天啟閒拔貢中辛酉副榜官廣東樂昌教諭擢陝西興平知縣有紫巖集照杯亭遺草善化黃氏自東岡中丞後仍世通顯多以文學著先生之父洽中萬歷癸未進士由刑部郎出守南安子七人俱有名於時先生晚遭世亂出入山谷榛莽閒棲竄無定所遺草凡八卷其曰癸甲餘言焚餘草大抵多亂離中作冲和



平澹絕少噍殺之音可以覘所蘊矣先生著述甚  
富兼精書法晚病痺右手廢以左手作小楷行草  
更適逸有致所著有五經鈔周易析象三禮辨疑  
百二十有八卷見吳綺園次所作傳弟學良字眉  
最有哀湘吟今未見劉杜三云又謙先生之詩澹  
沐浴日月楊拔起云云又謙詩思沈調響骨味雋  
永名作也吳園次云先生穎異過人於書無所  
不窺同母兄弟七人自相師友里中有黃氏七子  
之目丁明季之亂純意仕進棄官後與同里金季  
真周伯孔陶仲調幼調劉棧先談應袁洪伯修詩  
酒往還力敦氣節癸未獻賦陷長沙徙竄靡定田  
廬蕪浚衣履書器焚掠殆盡獨攜兩篋子出入榛  
莽閒情有所觸一寄於詩簡擇精嚴皆有律度

### 對客短歌

客莫辭清尊聽我歌一言人生幾滿百百年亦晨昏昔時

健犢兒今抱乳下孫嚴霜被弱草榮華豈久存草死春還  
生人無復起魂寂寞身後名榮辱向誰論不如飲旨酒醉  
臥驅憂煩

村寓主人張文溪環溪梧溪招同王爾靜汪遠之暨  
兩兒暑飲

山空枕簟涼神恬寢逾美之子叩扉來有酒云我潛散步  
共遊躊悠然縱巾履良友挈童穉披襟萬壑裏蕭曠貯清  
陰山瓢酒新醲野老笑相留湘葵薦嘉鯉俗醇禮數寬偃  
仰隨所以感此榮悴情願言激煙水想像古逸風幽賞應  
如此

蛭蜨習污濁轉丸方自矜甯知嘒嘒蟬吸露排清冷將子

秉高韻素心良以并將侶叶隱操萊妻饒勝情撰杖每偕  
往有酒思同傾童僕互操作兒孫解將迎提壺勞農事初  
刈秬與秠眷言有嘉客新綠佐以烹清飈延霽景乘月歸  
柴荆月下竹垂露遠翠空煙生埽石一流憩臨流思濯纓

醉起擬長慶體

青山同一觀靜者得其意綠酒同一酣味者失其味子雲  
老枕杯家貧不能致賴有好事人攜尊問奇字陶公臥柴  
桑恥爲折腰吏采菊向東籬白衣不時至兩者雖得之一  
生亦憔悴我獨諧夙心畢歡在晚歲綠酒時可揮青山日  
相對意味自斟酌冥然與心會持觴拄頰看夕陽在山翠  
雲壑口相待世人殊不閑卻笑林下僧不如林外山重城

曙光白輪鞅復班班終日驅車者豈盡爲冥頑一中利名  
勒終老檻與閑我幸解天刑逃之泉石間朝隨沙鳥去暮  
逐沙鳥還倦卽命瓢杓隱几聊閉關

人易爲人知此中亦何淺人憾無人知此中亦何褊不如  
兩忘之置之了無辨興來命一尊獨自上層巘坐聽水潺  
湲行望雲舒卷超然寄曠觀古人如在眼萬里未足遙干  
秋詎云遠叩石放歌還墟煙日將晚

### 晚雨卽事

宿昔畏岑寂景晏中林時及爾向遲暮翻與岑寂宜孤雲  
照空谷嶺日成半規北窗晚沐髮中庭無履綦叢竹亞涼  
雨新桐蕩微颺閑披五柳傳幽探夜忘疲窘路日九折微

尙欣在茲

春雨初霽課童刈圃

經時積霖潦重陰溼琴書臥聞鳥聲悅起望晴雲舒裊葉  
尙如醒叢篁已云疏陽景媚總翠清湍激長渠駕言徂前  
圃童子趣荷鋤冉冉出行列芳翹手自扶瓠葉蔓籬落蔥  
風襲薌蔬但得飽藜藿過此安所須一嘯歌帝力何時起  
黃虞

攸邑劉君幹父子相別四年矣去秋暨冬春閒三番  
遣訊途逢兵擾繼且遭掠悵然有懷

睽曠成怨思營聚多歡顏睽聚無恆期歡怨甯有端與子  
共墳索敦好味如蘭春華迅搖落白露秋已溥搔首計歲

月眷眷長河干長河送輕軻一去不可攀幾番勤使訊風  
雨摧音翰天地方龍戰兵戈阻且艱人生信齟齬衣帶隔  
關山紫氣望不極相憶空潺湲

田家怨

土嫌雨苦稀麥穗半不熟賣汝納官租老婦吞聲哭山繭  
脆難縑土布澀難縫十指磨欲笑不辦晨昏供豈無少壯  
丁貸爲富家傭日受升合米米陳不可舂茆茨僅四壁寒  
來自補葺草根甘可茹聊免溝中瘠生時旣不偕流離安  
所適

問客

問客自南來故園近何如客但再三歎故園不可居民有

家與室衆兵據其廬民有服與食衆兵攘其儲白丸斫富  
商赤丸掠村墟骸骨亂如麻處處狐與烏無端驚夢寐但  
幸保頭顱

道逢逃兵跛者詰之

殘兵渡河水已與新鬼鄰去時三十萬歸來復幾人飛矢  
沒脛骨血枯不可伸乞食望南行危途秋復春故鄉五千  
里但恐委沙塵歸來四鄰收田園皆荆榛少年不相識攘  
臂生欺嘆幸遂首邱願敢辭殘廢身銕前懷舊事弔影空  
酸辛

從軍行

八月西風高角弓勁於鐵黑沙衝面起馬嘶不成列前軍

猶苦鬪矣圍力已竭壯士起帳中悲笳正嗚咽一聲出塞  
歌雙淚迸成血成功不在大防寇不在小但得全師還莫  
憾俘馘少朝聞戰馬嘶夕見殘兵稀思婦閨中夢半是遊  
魂歸名將已移幕孤軍未解圍將軍取金印莫遣羽書飛  
避兵河西柴坡深處曝日臥露者幾一旬

才于望河西野曠郊無煙白楊紛成行悲風號其間妖狐  
竄荒隧蔓草纏頽棺烏鳶噪日夕深澗鳴潺湲昔時生華  
屋倏已閉重淵重淵不復晨山鬼相往還親友不我顧妻  
孥各爲歡感彼薤上露嘆息蟬蛸篇

### 感懷

天衢清且坦忽忽張羅罟丈夫嬰世網有如鷹上鞬誰布



沙洲春集卷第二十五  
子  
周身鐵備此戈與矛蕩蕩君子心報德不報讐瑛璧爲雲  
轡榮光何以舟黃流豈忘注願逐丹水遊

八月十三夜月

閒居營歡豫見月不知愛途窮賞心稀廼與清光會夕陽  
方半含已挂孤雲外寒影蕩波光煙雲互掩爕

過舊廬感事

故土豈不戀搔首青天荒病昔歌哭地今成荆棘塲巢燕  
空林語春風自飄揚列塵煙火少四顧增悲涼年隨流水  
逝事與浮雲茫長林畢暮影身世歸滄桑盛衰何足言今  
古黍離傷

除夕書興平署中

去年旅食昌江畔一卷孤燈對秋雨飛花歷歷撩人狂醉  
向江南賦鸚鵡驅車西來歲且莫落拓五斗未云遇昔時  
蟾臂尙童心今日魚腸非故步四十六年白髮新文章何  
日不風塵遊子無媒終碌碌夢入湘波有釣輪

七夕

去年避兵柴坡日天上人間各一秋今年旅食瀏村北望  
裏銀河渡女牛烏鵲南來妬飛燕露華寒失芙蓉面始信  
人間多別離不如天上長相見

七夕對月歌

團團桂樹吹古香隱隱桂輪流夜光始見天垂如振素漸  
升海底若飛霜可憐乞巧流螢院可惜長門玉階怨絃澀

猶聞瑤柱箏漏轉漸促金波箭隔年密意串雙鍼秋風鍼  
憾捐團扇夢覺車音殷若雷望裏銀河白如練圓缺空傷  
歲歲期容光坐惜朝朝變別有思婦出深閨見月雙垂玉  
箸噓蕩子辭鴛閣從軍逐馬蹏詔隨都護遮隴右書傳驛  
使到關西江潭水落魚龍靜宛轉飛光寒不定沆瀣香浮  
漢帝盤茱萸夜展秦王鏡塵生神女寶屨輕彩含淵客鮫  
珠迸紅衣半落芙蓉愁芳蕤欲歇靡蕪暝越姬采菱曲未  
終吳娃擊榜歌相應三五盈盈滿目飛詎知二八減圓輝  
麤麤鶴髮新愁長宛宛蛾眉故貌非莫遣妝臺窺粉淚直  
教舞榭鑒羅衣

酌別昌江諸子

平生懷遠志今日復云何卽不置邱壑甯能廢嘯歌文通  
閒漸畢酒債客偏多作吏仍兼隱春江有薜蘿  
瓠落吾何用蹉跎付積薪獨憐萍梗聚五見蒹葭新山水  
娛遊子文章愧古人清貧無不可黑髮白綸巾

清遠峽

鳥道枕長河藍輦度薜蘿野蜂巢廢堠饑雀啄枯禾村市  
炊煙少山城瘴雨多青楓丹欲盡客鬢近如何

潼關

地盡周南險雄關控虎牢樹隨人影小雲逐馬蹏高天近  
山多雨霜寒地不毛可憐塵土客涉歷未知勞

華陰早發

戊柝傳方急星河影未稀馬尋殘月去雁帶早霜飛亂後  
雞聲少寒來酒力微前程有候吏髣髴辨旌旗

西歸舟中

五湖堪作長戲擬九州箴已識塞翁意甯忘梁父吟桑麻  
喧暮鵲煙火出空林賸有漁人路桃花何處尋

高柳欺初月清流瀉細雲悲淒唳雁度冷落斷猿聞羞作  
逐貧賦聊爲懺世文洞庭春水闊何處禮湘君

別林工宰

日落大湖濱扁舟一問津山川舊遊地風雨獨行人枹鼓  
村墟急徵求澤國貧荒年兼薄俗白髮尙謀身

郊行憫荒

兵戎久未定村落不勝饑一逕只流水幾家同敗籬病中  
春事少門外世情非莫更城頭望黃昏畫角悲

沈茂林張嗣鄒曲墨霞眉最小集

秋已過離菊人誰到薜蘿乾坤名自老烽火病尤多屢遠  
青山色琴閑白雪歌最憐邱壑意相慰有羊何

懷劉杜三舫陰圖

青山半畝宅聞子閉門初花氣透深竹蕉陰題異書煙波  
槎不繫霄漢網何疏禹穴藏書舊言詩定起予

雨泊

孤蟹

一作孤蟹

鳴風急終朝泊幾灣忽傳殘夜月斜照隔林山

秋信來鴻早時名去鳥閑羞將塵土鬢重對菊初斑

苦雨

江國連旬雨家家繫小舸腥風驕海氣怒壑捲寒濤屋上  
金魚落城中雪浪高柴門流水裏無事注離騷  
遠蟻朝移穴驚龍夜出潭豈爲洗兵甲或恐漏東南夢裏  
聲偏入愁來聽不堪空齋人事絕跌坐理經函

喜西安姜子揚以司李來郡感舊

薄牒當年事風煙此日殊平原幾葱鬱湘水正菰蘆危路  
回頭盡好山放眼娛并州諸父老還憶拙清無

觀錢東白畫

野老來相問柴門日日閑聽松移暮艇釋釣看秋山白雁  
依蘆畔黃花閉竹關有時尋石澗更與弄潺湲

懷沈茂林劉墨鳴時傳攸邑有檄兵勦賊之舉

揚舲當蒲噴霧色帶煙蘿日月鄉關異乾坤戰伐多亂山  
青到水羣鷺白搖波折柳空回首離心付短歌

夜泊雷家灘

雲去月爲圓支頤看逝川沙平秋野外鳥盡夕陽邊材豈  
山中木思猶刻下船人情吾已破覆盞一頽然

懷劉墨鳴於湘陰署中

懷人江上棹風雨共淒其花盡黃陵廟雲深玉女祠幽情  
飛鷺遠古調抱琴遲莫遣臨邛鬢秋來比素絲

入攸小江

江路依山轉嘖聲晚自忙行人穿樹影浴鳥帶波光世路



風霜入鄉心日夜長芙蓉生夾岸幽迤照絺裳

同譚真復入劉杜三輞庵坐竹

庵小藏千箇蕭蕭幽事存煙霜開作徑花稻雜成村遠樹  
雲長住秋山晚不昏老僧移茗話如共海鷗言

葉廬同劉甲洲文虎樸先孫方石王素公劉仲美夜  
話

咄咄龍蛇歲風波客裏身語因關國事坐宛對家人鐙火  
連宵意壺觴小苑春柝聲聽易苦况復泣青燐

別沈茂陵南還入都有約重遊

三載論交久新詩共往還春風寒驛路落日見江山舟楫  
才原老津梁鬢已斑知君搖落意不爲唱陽關

邱壑吾將老肝腸君可憐  
書籤聊假日藥裹動經年  
世路艱虞裏交情涕淚邊  
長途春草際臨別卻淒然

村次茆塘

闢徑紆爲路青山作四隣  
客牀頻夢雨土竈日吹塵  
市遠薪難負村廉酒亦貧  
東牆門不設愛與白雲親

移避左兵於靈濟破廟側構一茅廬

避地餘筋骨編廬暫寄居  
老年逃市井生事就樵漁  
開戶招雲入留花待月鋤  
閑來仍讀易眼底見盈虛

書懷

萬事旣垂老安能再似初  
光陰雙鳥去身世一舟虛  
砂鼎丹難變頭顱雪不如  
南山廬已毀何處賦歸與

亂後入城

城空聞巷哭國破豈家留黯黯天無色離離黍自憂郊原  
餘戰壘故舊一荒邱隻影斜陽道安能遣淚收

遷寓喜與汪遠之鄰

卜得幽棲處遊遨與子同過橋看澗瀑攜手聽松風世已  
輕枯鮒誰來聽爨桐壯心銷不盡無計逐冥鴻

萬偶千劉村過訪

荒居如隔世尺一罕相親閉戶來新月留花及暮春青山  
歌送鳥白眼醉看人吾道浮沈後蓬蒿處處身

喜成助叔自中湘過訪劉村夜話

雕龍元贍技市駿只荒臺碣石當年事邯鄲一枕迴蒼苔

無客破綠醕待君聞  
細雨江村路還能躡屐來  
門對東西嶺家藏梅  
竹閒夕虹常帶雨秋水欲浮山字許  
桓譚賞書從汜勝刪  
不能忘竹素長日一消閑  
幽事如相約清狂耐  
可除自爇三徑竹蠟種九溪魚洞壑  
題將遍煙霞計未疏  
之苓吾自給不試計然書  
徑竹藏千箇仙源豈  
幾茲如何武陵隱翻遣晉人疑邱壑  
日堪往風塵終未知  
長憐古高士抗跡亂離時

山莊

人從山徑斷正喜草  
蕭蕭煙水村三月鐘聲寺六朝書多  
貪佛老夢足到漁樵久矣無名姓還誰許見招

遣愁

耐此蓬茅破難禁風雪同英雄雲散盡烽火日斜催貧轉  
添詩草衰應廢酒盃風流存後死笑踏嶺前梅

春日山中

遙與城市隔更於峯壑妍春來各色鳥雨過百花天村野  
安風俗饔飧用豆籩挂瓢猶有累自笑白頭禪

花朝同社郊遊

緩步尋芳手漫攜雨餘春草正萋萋相看遠日猶銜照無  
處流鶯不解曉酒欲泛紅花滿眼歌因踏翠月隨低桃溪  
十里香風散應有新詞學阮嵇

海珠寺

碧海珠光日夜浮爲耽奇勝此重遊花宮古石欹猶昔水

國寒煙晚似秋雨過魚龍還聽法風高鸛鵲自依樓遠公  
不厭塵沙客薄暮猶淹島畔舟

夏日偕瞿劍灘過史元愷水亭

慚余同學白髻年偶過新亭論舊篇客興浪隨碁局點狂  
談那惜酒盃傳花開木末紅宜笑鶴對波光白自憐雨色  
微微留晚照風前一檻水中天

懷李宗一於建陽

原注宗一爲建陽貳尹

片片峯煙入越分武夷百尺舊曾聞初官莫自嫌參佐轉  
餉由來重領軍秋色老經榕葉雨灘聲寒近幔亭雲相思  
惟有花閒月回首清光幾對君

重九明日登舟感懷

江城秋早菊花遲野水茫茫趁釣絲孤嶼流雲看鳥沒荒  
村泊雨帶蟬悲今朝社事隨霜葉何處歌聲亂竹枝但使  
蘆人磯尙在白衣怕向晚風吹

還舟

劍氣時時尙紫煙何須咄咄問高天魚龍雨暗湘江冷鳧  
乙雲迷嶽色偏孤客不知花盡落空闌卻數月頻圓好因  
爆竹除今夕錦瑟春衣夜不眠

春日金季真沈石友家如晦集靜綠園夜雨得長字  
花光對酒興偏長夜雨詩添春草塘家有青編收駿骨匣  
留紫氣辨魚腸身經難後貧猶俠句入湘多老更狂我似  
枯桐今未爨欲將山水問中郎

別楊扶曦明府晉武選

陸  
篁過雨夕蟬鳴漢苑秋風折柳行湘水難留雙鳥遠仙  
曹暫借五兵清尊前玉女芙蓉色馬首材官組練明此日  
中原徵騎士龍泉光氣斗閒橫

避兵入古華山寓

羸馬荒郊正夕陽行人去鳥共迷茫野田雨過纔收黍山  
路秋分已降霜幾處鼓鼙連戰壘况聞江漢作沙場乾坤  
無限傷心淚愁灑秋花滿地黃

胡近雲將軍白湘陰移鎮麻林橋過訪山中

初春行幕到山隈揮戟如君濟世才青草湖平朱鬣過黃  
陵風響綠絃開鏡歌乍聽前車出楛矢曾看絕域來他日



廟堂論將略何人標烈枉雲臺

避世聊同野鹿羣姓名何意動相聞  
自憐抱犢山中臥空憶廬龍塞上勲  
據几共談黃石略拏旗喜近棘門軍  
漢廷勲望須公等只合羊裘老白雲

投贈傅禧徵中丞開府偏沅

湘流南去繞沅溪  
叩洞天開甲帳齊  
父老三年歌吉甫  
威名一日重安西  
采薇載賦龍標近  
折柳行陰鹿砦低  
不用記曹煩阮瑀  
紫豪飛檄待親題

攸歸喜吉殿下惠菊

淺白輕黃三五枝  
幽香今日始相期  
籬邊護雨人稀到  
水畔經霜蝶不知  
折向秋風堪寄遠  
種因晚節故開遲  
漢宮

花下來江雁西苑何人賦采芝

新撫鎮湘得天王寺之捷

歸然湘水一長城何計能窺柳外營誰是黃鬚堪破敵可  
知白面盡談兵微侵朔氣星初蝕甫按笳吹月自清趁曉  
行春歌六月莫將奇計問陳平

食新

平疇雲水足三春日午桐陰翠欲勻雨外香秔喧野碓夜  
深鐙火勞比鄰慚今衰鬢殊非故樂我餘生又一新但使  
湖煙銷古戍幽歌日聽老農陳

喜萬偶孖遷國學

橫經何必投戈日嶽洞花深講席閒誰謂龍門偏岼崕每

客褐父日追攀道噓餘燼斯文狂詩采風流正始還爲問  
石渠鐙火夜可忘聽雨憶湘山

秋思

南國微霜冷菱荷洞庭木落水增波湘靈月下怨瑤瑟山  
鬼風前衣女蘿青鳥飛飛空碧海黃姑渺渺隔銀河流雲  
一夕生涼翠欲采蘋花柰晚何

懷郭天門中丞石門隱居

功成年少伴滄浪埽石初開綠野莊風送鶴翎迷竹徑月  
連花影上書牀丹函早貯仙臺錄古柏疑飛戟府霜野老  
一尊談日月何人知是舊汾陽

酌酒刪詩

濁酒頻燒氣轉橫  
窮愁無乃太勞生  
夢驚烽火嵐煙裏  
憾對靡蕪秋雨情  
卻笑雕蟲爲長物  
看來野馬是浮名  
漁樵何幸當吾世  
醉倚松根說太平

塞下曲

營門閃閃掣霓旌  
壯士吹笳滿月城  
緩帶幕中多揖客  
夜深鐙火罷談兵

春草年年怨別離  
生還不分及瓜時  
天寒蟣蝨生金甲  
雪暗龍蛇落畫旗

雪添宿將來朝鬢  
霜被征夫五夜裘  
事往書生經血戰  
浪言鵲印拜通侯

不受平原國士恩  
夜驅騶馬出夷門  
酒酣醉睨蓮花鐙  
肝

沙洲耆舊集 卷第二十五  
三  
瞻逢人未易論

避暑竹陰

炎風時吐餒初秋用鬱蒸百年何脆促畏日故憑陵喜有  
東陵竹陰連北澗藤科頭臨水石當午坐壺冰適似忘機  
鳥清如結夏僧誰能禁盤礴自不厭鬚髯草色涼堪藉松  
根曲可憑酒鎗時指點肱枕暫瞢騰籟靜塔無偶書拋嬾  
更增蟬嘒甯分樹虬行若辨塍儵藏窺立鷺鳬沒避遊鷹  
牛屋兒編曲漁矜婦結罾舞雩風自至舒嘯谷來應冉冉  
重林暝微微片月升幸能辭俗駕憾不共良朋

擬關山月

涼月清秋夜關山柰別何桂輪光未滿草露溼仍多團扇

憐齊素單衫冷越羅林香凝曉液池鏡委圓波夢斷宵砧  
微愁驚旅雁過因風將玉塞流影渡金河拭淚銷紅粉翠  
眉損翠蛾白狼猶轉戰朱鷺未賡歌苜蓿驕宛馬烽燧散  
橐駝深闌長闌寂芳歲易蹉跎爲問老征將何時議止戈

湘齋集卷第二十五終

沅湘耆舊集卷第二十六

新化鄧雲鶴湘皋編輯

鄧縣沈道寬栗仲校訂

廖傳生孔說二十五首

孔說字傳生衡州人從父宦陪京遂占籍為應天

諸生少博學強記所弛縱酒晚年戒飲持律卒後

人或見之於茅山以為尸解云列朝詩選傳生博學強記為詩不經

意輕偶自喜漣襲策蹇日遊谿山閑山僧道流無不相識問以京雜貴人都不記也每入城過酒人

及好事家酣飲賦詩不數日輒厭去居山中不數日又復來以此為常海昌許同生棄官隱華陽招

傳生偕隱常往依焉愛新澤龍泉之勝卒死其間少所弛縱酒晚年戒酒持律臨終持佛號而絕死

後人或見之於茅山柏枝左右以為尸解不死云衡陽縣志傳生姿度清茂志意疏遠早棄舉子



業縱遊吳越名山九工詩不隨時習獨宗錢劉而益之以風度當時客白下稱詩者若商孟和林古度皆莫及也常與諸名士飲酒分韻傅生詩先成曰春雨霏霏酒厄滿堂紅燭對彈碁主人先醉非無意愁見更闌客散時坐客嘆服皆爲罷唱識者謂其超悟悲歡引身物外之志亦於此見矣

同一公過玉浪師廬墓處

玉公持此義遠答報恩機深院三年影荒園一木扉懸鐙梅雨夕鳴磬麥風微昔日親栽樹今將宿草壟

客至

不向紅塵去閒眠日幾回餘花山槿落小卉海棠開制解僧初出涼生客漸來共言西澗水經夏起枯埃

贈友

飯粟猶堪煮經時可閉關老愁看落葉貧不厭青山薄簾

酬秋水孤鐙管夜閒籀冠文有意爲稱贊過班

采藥

采藥秋山萬木疏霜吹瘦石倦鋤餘雲多忽訝寒崖失信  
少常疑古屋虛扣石杖聲驚睡鹿臨溪笠影亂游魚翠微  
十里無人到時過庵西問讀書

秋鶯

啾啾秋老曙河斜嫩麴輕塵浸露華黃葉誤來空谷友丹  
楓虛擬上陽花兼葭漠漠逢歸燕楊柳蕭蕭伴暮鴉珠箔  
玉樓絃管日金衣誰料尙天涯

雨中送春二首

迢遙館驛欲何之地角天涯總別離霧溼提壺催祖道煙

寒杜宇促歸期徘徊柳岸鞦韆處惆悵蘭香被禩時此約  
再來須隔歲潘郎那不鬢絲

綠陰和水草和煙今夕明朝頓爽然纔到楝花飄暮雨已  
看榕葉似秋天乍添吟鬢剛三月暗減歸心又一年不信  
古人癡似我曉鐘欲盡轉難眠

懷匡廬二首

九疊晴巒好掩扉泉聲處處抱斜暉高窗樹影澄江小遠  
山人隱雪寺微溪淨飲猿連臂下松深巢鶴掠衣飛荒涼  
石徑空延佇逋客而今歸未歸

聞說幽蹊靜者多石門景物近如何春茶雨後猿狙猶晚  
食風前鳥雀過楚客斷筇留礪石吳僧破笠挂巖阿遠公

已去慙公往惆悵生臺長薜蘿

山中

山中野菜不須錢紫筍黃精滿路邊見說採薇皆可飽但  
能服朮亦成仙挑盈籃子歸來緩枕著鋤頭到處眠况有  
雪花稱美味未勞種植過年年

雨中九日

拄杖從教倚壁閒草堂竹牖亦閒顏有期勝侶衡風至無  
限游人載酒還對雨且看籬下菊閉門自見意中山年年  
南郭登臨厭放得今朝一節閑

山後田家

流水流煙繞竹門寒花寒鳥異孤邨籬中宿莽今猶綠湖

上明雲夜不昏射鵬野塘情復喜烹鷄茅舍酒重溫蹊閒  
路熟無妨醉殘雪依稀似月痕

和俞客自遊仙詩二首

白鶴珠宮寫洞章玉爐無火白騰香道人睡熟深庭月雲  
裏經聲誦自長

仙夢春愁兩入微人閒天上似還非一時青帝收花去龍  
尾瀾瀾送雨歸

酒家同彥先何事留春

苦說傷春還餞春夜深嘯鳥對沾巾綠陰村酒城南埽同  
是尊前白髮人

與一然聽鐘

寥寥相對一燈明  
數盡遙鐘百八聲  
題向山堂成故事  
他年卻好訪平生

病

縱衲蒲團清病餘  
焚香三日讀仙書  
開門紅葉都吹盡  
寒水寥寥倚太虛

懷子畫次其韻

花滿揚州月滿櫳  
相尋最苦夢難同  
悶來細把蕪城賦  
讀向淒淒暮雨中

重過蘭溪

越跡吳蹤久未能  
飄來二葉泊孤僧  
依然白酒青山夜  
鶯啭湖邊摘野菱

不似

秋樹猶曉乳小鶯秋花亦占海棠名一般聲豔堪惆悵不似春風解管情

華陽雜詠

林閒風靄日氤氲乍露孤峯半未分一夜雷聲在山下始知身外萬重雲

聞鐘

華陽百里一孤鐘地闊天空山萬重  
殿昏煙霜悠颺月依微隨鶴繞三峯

石門

石門酒薄客愁寬誰念霜溪曉被寒  
偶見鄰舟說紅葉五

更疏雨夢長干

訪道士

露草煙林斷客行  
竹扉晝掩對高城  
道人不要人天供  
消受秋空鶴一聲

西湖

水中樹影樹中山  
山自無心水自閑  
明月兩隄人不見  
小舟獨向斷橋還

龍季子京二首

京武陵人君御先生季弟

雨中三過陸度航卽席

節候入深林  
繁陰如翠蓋  
雨聲滴泂瀆  
郊原障層靄  
乘屐



數相從翛然人境外窗軒日以華我來在圖繪水雲鬱蒼  
茫蒼潤何霽滯石態呈幽姿竹韻搖清籟鳥鳴時嚶嚶花  
氣亦醕醕池沼牽衣行庭草縈書帶清芬雜名言殷殷沁  
腸肺曲室消餘閒道屈志逾泰於此足冥搜乃與天真會  
兩中又集陸度航分賦

酒稱中聖草稱平妙舞清歌不礙禪我自天親爲眷屬喜  
隨鷄犬作仙緣

伍學父定相 五首

定相字學父一字玉鉉衡陽人萬歷時貢生十三  
卽通諸經性理綱鑑諸書稍長益博綜羣籍褐衣  
敝屣授徒以養母其學以淹貫爲主船山之學所

由本也早歲喜吟咏謂古今詩文未有合一者合  
詩於文則文不宜理合文於詩則詩不達情因選  
漢魏來十一代詩文各成一部名二壘以貢入南  
雍嘗上安民定亂十三策疾革呼門人王朝聘語  
曰丈夫不死婦人之手子丈夫也故死於子之手  
遂逝朝聘船山先生之父也祀鄉賢崇禎閒督學  
高彙旃先生世泰題其主曰明布衣理學伍定相  
之位有集今不存所選十一代詩文壘亦不傳  
王船山先生南窗漫記先徵君受學於伍學父先生定  
相先生詩文爲南楚領袖先徵君與仲父牧石翁  
杖履周旋時相唱和末年斂意深靜不復屬意某  
幼曾見一箋爲釋復文和先君韻者今忘之矣唯  
於尾卷得見過應山絕頂  
一絕句云云戊辰春作也

題歐初暘別業後洞

到來巖壑美仙洞亦桃花節候秦風物衣冠晉世家石房  
蟠赤豹松牖挂青霞何必三餐返真源路不賒

題瀟湘入景圖寄李仕奎有引

瀟湘扼楚上游而不佞家焉故是吾師觀察李先生宦  
游之地客歲謁先生粵西官舍仕奎曾以此圖屬賦多  
多未暇也茲爲成詩一律還之

虛閣瀟湘景自殊君侯五馬舊馳驅  
衣影逐浮雲遶棠樹枝懸曉月孤  
動地江聲喧市宅連天嶽色挂城隅  
千秋畏壘差相擬吮筆誰將入畫圖

綦仲雲江閣

江青沙白草纖纖有美亭臺山畫檐浪擁雷聲喧曲檻波  
澄練彩映垂簾匣中龍吼雌雄劍架上雲披甲乙籤可是  
校書耽寂寞然黎天遣老人拈

九日宿綦叔儀清音閣作

攜來不盡茱萸酒江上重登尺五樓入望水雲偏感興關  
心渤海轉生愁光陰百歲隨黃葉事業千秋對白鷗潦倒  
樽前還獨醒菊花空負插盈頭

過應山絕頂

原草青青入望新歸雲將雨度輕塵只今江北春將盡渺  
渺江南愁殺人

龍半庵人儼

二首

人儼字孝若號石蒲一號半庵又號三三居士武陵人萬歷朝貢生官漢陽教諭汧陽知縣有藉耕齋集居士爲君御先生之子與弟人俱有才名儒而禪者也其精修奉佛殆亦得之家法云

失題

詣必造其極始得返自然蟲鳥皆吾象意在邈斯先所憾  
古人遠不見我法傳如曰力可追誰爲作者前巧能不傷  
雅藝乃道之宣小知盡矜衒君胡穆以淵素心論晨夕澹  
交久歷年有時畫滄洲四壁淩紫煙有時豔一議風雨驚  
百川徙倚浩歌發一往心茫焉相對盡微向松花響石泉  
西嶺有寒梅可與君爭妍所妍非逐好吾自問吾天

村居

鴻蒙未了但羲牆浮慧嗤予拾藩忙好月到懷誰共掬清  
颺拂幌自生涼別無奇響驚空籟惟有新醅發老狂卻笑  
酒醒仍故我曙煙殘磬逗匡牀

王仲子廷聘一首

廷聘字蔚仲號牧石衡陽諸生而農先生之叔父  
也有詩數百首均佚僅存一首見船山南窗漫記

過三十六灣

千里平湖水支分六六灣風橫帆影亂壑斷鵬聲閑南北  
迷鄉望紆回滯客顏湘靈愁倚瑟徒倚碧雲閒

龍半溪人饌五首

人僕字孝甫號半溪武陵諸生三三居士母弟與  
兄齊名有泛綠亭集

小齋對雪

夜雪照林皋  
茆齋氣蕭瑟  
窗冷白還生  
涵虛弄曉日  
但聞樹間聲  
琳瑯墜多實  
斂襟坐藜牀  
閑謠苦無匹  
撥灰炙小鎗  
松煙騰滿室  
聊酌一壺酒  
凍書三兩筆  
梅英當戶含  
垂垂六與七  
靜觀造化心  
顯藏信可必  
人生但隨時  
何能齊得失  
徘徊啟南窗  
霏霏雪愈密  
寒鳥棲窗櫺  
驚飛不能疾  
時方急芻糴  
農民如戍卒  
單衣荷重負  
雪中故慄慄  
畏此挺刃加  
溝渠亦何恤  
我心正悽然  
欲救終無術

平生乖世好  
萍落如鼓瑟  
看盡炎冷場  
遲回至今日  
文字

不成名讀書亦無實偃仰對東籬陶公敢傳匹榆柳映前  
塢松筠羅後室架上易一函篋中饒紙筆鬢髮竟斑然行  
年四十七耳目尚聰明壽考或可必無求不取憐以約鮮  
所失世網何樊然衛身尤貴密守此松柏姿嚴寒莫能疾  
飮粥復可充粗糲歲堪卒綢繆塵北窗狂風任慄慄楫楸  
燒殘灰揮杯復何恤義皇不我遠致身豈無術

竹灣雨渡

古渡泊驚濤危坐漏舟裏一洲劃兩江橫通一綫水悲風  
吹狂雲驟雨傾雙耳卽當溼衣裳漫溼沒踵趾中流合煙  
霧蒼茫混元始努力近彼岸僮僕變憂喜澆水復補罅殘  
澆方待理久矣風波途出門竟如此



和周竹書

昔賢有至樂所樂非瓢簞柴桑賦歸田折腰恥一餐時哉  
與道違賢哲爲其難亭亭千古松胡爲憂歲寒

山居雜興

半醉半醒意思一邱一壑生涯晉代柴桑處士秦時鷄犬  
人家

劉廣元泉一首

泉字本蒙攸人萬歷閒貢生官四川廣元令有政  
聲以釋冤囚七人爲上官所忌遂自劾歸奉其父  
結廬北郭自稱放翁著有閑老遺編放園文集  
閑居簡我成年丈

老狂真愛浣花居。時事匆匆嘆忽諸。惜往心情仍似屈。知非歲月欲爲蓬。綠莎徑遶扶疏屋。紅樹門懸薄笨車。穩臥江頭身更嬾。閑翻晴雨課農書。

黃教諭之屏二首

之屏衡陽人。萬歷時以東宮恩選授萍鄉教諭。

登南臺訪舊僧聽琴有感

偶停塵外策。忽聽隔窗琴。在世能超劫。移徽解證心。餘生歸鹿苑。大道隱珠林。鏗爾高臺上。踟躕戀夕陰。

上封憑欄

眼底南山衆。皺堆振衣千。勿此高臺五。松寒抱蒼虬。臥片石。晴飛玉女來。納納乾坤外。立迢迢。雲物望中開。皇封

帝秩楸梧泣入夜猶疑靈氣同

李州佐盛夔一首

盛夔永興人天啟閒拔貢官州同

碧潭

潭影碧悠悠輕煙水際浮雨餘天地暮風過古今秋時事  
多如草仙居只愛樓濛濛煙霧裏吞吐小漁舟

黃教諭學和

十二首

學和字二調一字節甫善化人與兄學謙弟學良  
齊名崇禎閒副榜官瀏陽教諭著有梅壘臚稿二  
子鈞鈺學生皆以文名於時梅壘稿詩多亂後作  
句如老我閒身無白簡輸他行在草黃麻宦死久

同烏月冷詩情還借鶴風清沈鬱之思以諧語出  
之尤可誦也

四湘歌

湘之水向東流有美人兮渡芳洲芷蘭馥江蘺郁思公子  
兮未敢掬

湘之月哉生魄有美人兮卧冰雪天漢遠涼州低思公子  
兮未敢嘯

湘之雲夜初分有美人兮九霞裙霜雁孤黃葉下思公子  
兮未敢語

湘之樹連理枝有美人兮竟芳姿秋風悲梁木壞思公子  
兮未敢拜

糴珠行有引

丁亥之夏避地清瀏北鄉富家增糴米價如珠稱貸者  
閉門峻拒當事賤而征之大散其積因有感於多藏之  
義作此志慨

君不見荒年穀比豐年玉千錢斗米猶未足天荒地老此  
何時紅朽空陳太倉粟我來避地清瀏濱子遺尙有多藏  
民權摧子母擁厚實忍將溝壑視比鄰鳩形鵠面紛相向  
汎舟無役空惆悵糠粃可嚙石莫煮維南有箕誰活汝由  
來亂世多義士監河升斗區區耳楊朱不拔無柰何饑民  
飲泣富民喜偷父掉頭聲價豪五銖輕重析秋毫豈知閉  
糴有重律災黎性命非鴻毛一朝悖出倉庾罄何如而義

名猶高

立春大雪連日

積雪勝繁霜天心不可量霏霏流霰集翦翦峭風涼塞骨  
青閨夢騷魂白戰場長安渺何處大地劇蒼茫

酬蔡江門先生

嶽靈江永足千秋此地微公孰與侔特爲大湖開面目閒  
從放鶴見風流論交誼重雲天薄撥亂勲開帶礪籌自笑  
小詩真賸語潭州萬戶有清謳

菊花雨和蔡江門先生

撐持秋事讓誰強山色濛濛菊影黃晚節不爭風月豔芳  
心獨惹淚痕長飄零離落愁無那抖擻精神瘦不妨卻是

野人添野趣菱荷來往拾餘香

壽周拙石先生時新擢太守

五雲多處似蓬萊吾道方興嶽色開宗社歷新姬氏卜循  
良績著漢臣才惟公已有神明頌此日欣逢綸綍來玉室  
丹臺眞健者一琴一鶴與追陪

弔周拙石先生死寇誓師時曾以持重屬之

衆人爲易子爲難賊氣雄驕膽亦寒巷哭遺民頭早白心  
期死友血同丹公與江門先生誓同死孤墳萬里君門遠愚得千篇  
世局殘身後不聞興伐罪可憐諸將擁雕鞍

攜家避兵再泊仙人市

客舫偏遭風雨多全家寄跡伴巖阿茆椽低結煙爲蓋石

濯濯深水自磨儘有白雲飛別嶺偶看紅葉綴秋波新來  
消息猶堪問可信浮生逐水過

偶述

芋栗深山不厭貧青巾疑問負頭巾煙霞漫枉衣冠從聲  
響時慚塾黨親雪履穿雲聯鶴伴藥欄呵凍敞門新主人  
好我周行示酒醴筮簪及令辰

原注時方舉行鄉  
飲衆以賓禮見推

楊教諭一位一首

一位字元韻臨湘人崇禎間貢生官湘鄉訓導江  
夏教諭以子柱朝贈平武知縣教諭生數月而孤  
事嫡母許以孝聞鄉里稱長者詩僅存絕句一首

登嶽口號



久欲辭家嶽頂眠此行敕斷俗塵緣富頭七十二峯好一箇峯頭住一年

楊仲先德遠一首

德遠字仲先長沙人崇禎末貢生所著有大中緯紀事續編史辨諸書仲先爲恪愍公後少負雋才慷慨負意氣常結社湖以南肆力於古詩不多見大抵亦不離竟陵習氣

飛來石

我聞嶽麓峯頂上飛來石不知是何時尙有行人跡羣動相往來未覺神形隔以此望南嶽只如盈咫尺南嶽豈不遠與我相主客雲煙了一隅山青水能白林木等翳翳透

迤無鞭策安知一片石不自傷疇昔遙遙望相似但見天  
空碧

謝仲玉璜 一首

璜字仲玉湘潭人貢生著有此園詩益楚初集  
餘集

同諸弟登萬樓有懷包儀甫陳奎瞻兩明府分得封  
字

湘欲東之朝所宗樓以前導逆其蹤衆流不敢去匆匆於  
焉稟命頰且恭我閑諸弟亦雍容繇舟而陸理晴空天圓  
樓影碧茸茸城居內外一蟻封水音潺湲谷音登如巖坐  
瀑秋坐松坡陀曲曲樓忽峯因追作者誰之功後起斯文

補葺重古人今人思不窮斜陽倒塔揖相逢中流屹如兩  
巨公

閔縣令朝宗 一首

朝宗字

靖州人貢生官知縣有山石集

重過延壽寺

古寺山門尙半開行人過此一徘徊斷牆碑碣埋苔蘚  
道松楸間草萊荒沼虛空惟月色法壇清淨總塵埃春來  
洞口花飛暖誰續鐘聲五夜回

陳司務梅 一首

梅字

靖州人禮部司務州志入隱逸傳殆亦

高蹈之流也

讀嘉忠錄弔宋義卿先生

不歸五馬駐西溪  
起舞誰教聽早鷄  
成敗英雄無定論  
是非今古有名題  
康郎風浪蛟應化  
巖屋衣冠鬼亦嘯  
孫子森森持護處  
靈光常與日星齊

秦維楨

五首

維楨字兆穀華容人

喜鄒寅之到

別後棲何處  
依人尙布衣  
有生原是寄  
無術免於饑  
天老多風雨  
年荒少蕨薇  
悔將前日足  
未入五侯扉

雨中宿野鶴道人院

風風雨雨閉柴關  
跌坐蕉團問大還  
君擬平之又平際  
予

慚材與不材閒紫芝滿圃貧誰覺黃籙堆牀老不閑他日  
丹成休負約願隨笙鶴駐三山

青樓曲

背郎換薄衣含羞俯如揖佯謂侍兒來倩郎當戶立

題畫二首

垂楊夾岸垂冥冥一川綠船首支頤人去看誰家竹  
江闊曉煙消沙平春水退漁舟不見人流入白雲內

徐 昆 二首

昆字旦伯辰州人

畫馬歌

山人畫馬能神似含豪宛轉伸素紙手腕強突膽副之須

史豪氣如泉起上彌天房下入荒茲白乘黃疾如駛我皇  
廢馬十二閑圍人牧豎無敢齒日盡官芻粟一鐘渴飲御  
河千頃水有時立仗天子傍錦衣文繡渾身被憶自鹽車  
上太行仰鳴俯噴遭鞭箠至今灑汁白汗交嘗恐逡巡過  
馬市遭逢伯樂貢天廢時懷報稱無所以一朝疆場羽書  
馳傳來關塞多封豕都尉亡胡驃騎老黃河汲斷焉支壘  
天子有詔開天閑長驅蹴踏輕萬里日慘天地草木腥朝  
發咸陽夕隴坻奔騰汗血黑山紅一聲嘶落邊兒矢功成  
笑兀圖凌煙誰記驂騑共生死看君尺幅爲寫生生氣勃  
勃出十指吁嗟國家養士恩幾人不蹈償車恥邊庭苦戰  
正需材毋使將軍慙驂騑

荆山遊塞壁同友人作

嶢巖石磴遠同攀野曠天低意自閑  
千頃湖光秋在水一林鴉影夕尋山  
草茵隨處堪跏坐煙月逢人可袖還  
塞壁何年題字在與君重到剔苔斑

陳大忠一首

大忠號雙塘武陵諸生有湖上草

秋夜旅懷

瘦日下柴荆寒雲宿短檻窗虛風作語  
天白露無聲殘菊三秋影孤鐙萬里情  
暗蟲喧唧唧倦客欲南征

向文甯一首

文甯芷江人有南溪詩文集

楚風補云南溪勤學好問躬耕養母不干

勞利人  
多重之

報恩寺

屹若天甯第一峯參差金碧梵王宮  
棲禪敢謂留坡老結社惟應得遠公  
疏雨暝浮湘竹翠澹煙晴映海榴紅  
坐聽法唄生塵想五色花飛滿太空

羅朗岳一首

朝岳字盤雲茶陵人

洙江

大江東來幾百折城頭月出寒潭深  
道人結屋傍江水夜靜時聞龍一吟

曾獻葵一首



獻葵永興人

秋日遊問仙洞

秋葉滿林吹亂紅。秋光半在仙洞中。老衲迎門似解事。松  
聲泉韻何冲融。獨鶴隔竹向人立。欲鳴未鳴幽意同。氣酣  
日落豪思發。詩成三繞青桂叢。造物小兒玩人世。俯仰何  
必悲無窮。布袍斗笠自高格。狂歌醉叫驚山翁。歸來明月  
散林影。驢背仰笑秋山空。

周元一首

元字楚白攸人性奇偉。縱遊四方所至交其豪傑。  
嘗識熊襄愍。廷弼於諸生時。傾蓋定交。倒篋以贈。  
及襄愍經略遼東。楚白造焉。居數日。拂衣去。襄愍

遣使追至鴨綠江奉兼金一篋楚白擲諸江使節  
泣懼無以反命乃爲詩謝之

謝熊經略

生平裘馬氣翩翩不惜黃金結少年今日蕭條君不問夕  
陽秋色爲誰憐

案此詩見攸縣志詩人傳似有衍於襄愍者然檢  
襄愍集友朋酬答之作最多獨無楚白名事之有  
無未可定姑補錄於此又攸志專立詩人傳始元  
馬子振訖國朝陳五松凡三十一人今見是集  
者除海粟列前編外惟易潛池彭民望劉六長劉  
揆先杜三兄弟廖勤周陳侶琴鄧蘭蔚劉雲眉及  
楚白十人而已此外如陳耳臣陳初庵陳史占蔡  
冲白劉質先諸君皆詩人也又錯出他門不在此  
數甚矣蒐輯之難也

劉敦化二首

敦化湘潭人衡麓先生之兄也仕履無考

送餘麓弟謁選北上

東風上柳條柔絲繙長陌遊子望帝鄉  
驛驛遠行役朝發湘潭城暮宿長沙驛  
揚鞭自此去金門堪射策連枝喜共

攜自注時衡麓兄官給諫諫草趨鸞掖牽裳欲致辭  
翥漢雙飛翮

登虎踞巔羅三峯先生墓

白楊何蕭蕭嶺上生涼風巖石若虎踞  
磨牙勢攫空捫蘿躋其巔馬鬣封隆隆  
弔古墓殘碣三峯字朦朧三峯者爲  
誰豫章之隱翁避世深以遠卻當豺  
虎叢翁時結茆住講學此山中虎豹  
跡遠遁居民頌神功巖前澤穿竇鍾  
乳岬潺通俯仰邈異代睨然望無窮  
山川殊不改歲月何匆匆

坦步下山麓日入煙濛濛

易穎麟四首

穎麟字慧生湘潭人

別朱亭友人

朔風疏古木孤煙發朝磬遊子悲歲寒磧雁栖初定清詩  
對霜月子子披蘭徑誰撥枯桐枝高樓一相應與香點春  
流絳葉生秋聽

別郭幼隗

愛君甯忍別惆悵抱離憂秋色吹千里蘆花映一舟藏深  
誰罪壁心化且隨鷗準擬清霜裏懷詩向汝投

排悶

沈湘著舊集卷第二十六終  
苦貧何必買寒林小築居然遠夙心雲影飀堦幽一片鳥  
飛驚葉落千尋村無羽檄忘遲暮甕有香醪細酌斟此際  
浮名渾埽卻江臯暝色況相侵

命兒修葺茅屋

冬晴原可愛閒眺欲何爲雨雪經前臘風霜又此時刈茅  
呼火伴伐竹趁幽期牖密畱高枕堂空論古詩花香仍秉  
耒年熟且舒眉隱士無心學清吟自昔窺蓬蒿真省事曳  
杖獨栖遲